

„W srjedźišću ma tón stać, kiž wo radu prosy“

Interview z Andreasom Ošiku, jednaćelom Hornjołužiskeho zwjazka Carity z.t. wo radženju dwělowacym Wutroba je městno miłosće. Wottam postaja čłowjek swoje jednanje. Druhemu čłowjekeje napřečo miłosćiwy być pak tež woznamjenja, sej scyla najprjedy jeho połoženje wuwědomić, zo by jemu skónčnje tež derje pomhać móht. Druhi ze skutkow miłosće je, dwělowacym prawje radzić. Wěriwy čłowjek trjeba sam radu druhich wěriwych a je tež ze svojim žiwjenjom po wěrje druhemu z radźićelom. Někomu radzić žada sej kompetencu. Wšelakoru poradu poskićuje Hornjołužiski zwjazk Carity z.t. Jeho jednaćel Andreas Ošika je Katolskemu Posoľej k tutej tematice interview dał.



Anonymnosť pomha so lóšo wotewrěć

Foto: kna

To, štož Wy jako zwjazk Carity poskićujete, je profesionelna pomoc. Waši sobudźělaćerjo maja krute džělowe časy a dóstawaju mzdu. W kotrym nastupanju je Waše džěło w křesćanskim zmysle miłosćiwe?

Miłosć njerěka jenož, čestnohamtsce džěłać. Poradźowanske wotběhi su tak specielne a z wysokimi narokami napjeljene, zo móžeš to jeničce we wobłuku swójeho džěła, za kotrež trjebaš wotpowědne wukubłanje, skutkownje pomhać. W modernym swěće měli přiwšěm miłosćiwe jednać, a to na wysokim niwowej. Wažne je tola, zo kompetentnje radźimy.

Mnozy z Wašich sobudźělaćerjow njejsu hižo katolskeho wěrywuznaća, tójšto ani křesćenjo. Na kotre wašnje přiwučiće jim, zo bychu woni w swóim džěle po ewangeliju skutkowali?

1. njewědźacych wučić
2. dwělowacym prawje radzić
3. zrudženych pokojeć
4. hrěšnikow napominać
5. wobužnych sćerpnje znjesć
6. tym, kiž nas ranja, rady wodawać
7. za žiwych a mrtwych so modlić

„Potrjeheni ćerpja zwjetša ćicho“

Z powšitkownym socialnym poradźowanjom skići Caritas podpěru we wšěch naležnosćach. Diplomowa socialna džělaćerka a pedagogowka Manja Döcke praji, zo smědža ludžo z kóždejškuli čězu přinć. Při tym móže so wo sformulowanje próstwow na zarjady runje tak jednać kaž wo psychosocialnu nuzu, wo naležnosće w starobje abo nastupajo hladanje. Tež konflikty w swójbach, husto hdy džědžinstwa dla, słušeja do wobłuka poradźowanja. Wona poradźuje sama, sposrědkuje pak tež dale na sobudźělaćerjow, kotřiž su specielnje wukubłani, na přikład za poradu ludži, kotřiž su so zadožili. „Potrjeheni ćerpja zwjetša ćicho“, zwěsća Manja Döcke. Wona pozbudža, próh k pomocy překroćić, byrnjež wědźala, zo maja mnozy z tym čězu. //

Rěka da katolski być awtomatise, zo miłosćiwe jednaš? Pola nas stej wšudže miłosćiwość a kwalitatiwne hladanje na wysokim niwowej zaručenej. Wuzwolimy za naše džěło stajnje najlěpše wosoby, zo bychu specielne nadawki derje spjelnili. Cyrkwinske zmyslenje swójeho džěłodawarja dyrbyja wšak sobu njesć a dadža so tež do toho zapřijeć. Jeničce wuznaće ke katolskej cyrkwi njeby hišće garantija dobreho džěła była.

Wulki džěl Wašeho džěła wučinja jedyn ze sydom skutkow duchowneje miłosće: dwělowacym prawje radzić. Jako přeměni rozšěrjacy so koronawirus móhtřec wšitke žiwjenske wobłuki, sće to pola Was tež pytnyli. Loni sće měli 70 procentow poradźowanjow wjace hač 2019. K tomu je přišlo wjace strowotnych problemow, wjace psychisce chorych, wjace samotnych. Kak da sće tole zmištrować móhli?

Smy nowe formy džěła namać dyrbjeli. Spočatnje dyrbjachmy zawrěć, mějachmy pak přez telefon a online zwisk k ludžom, kotřiž našu podpěru trjebachu. Nětko su zetkanja pola nas po dojednanych terminach móžne. Na koncu smy wjace džěła zdokonjeli, dokelž njejsu naši sobudźělaćerjo přeco na swjatok dźiwali. Dyrbimy pak tež za tym hladać, zo jich njepřežadamy.

To wšak njejsu jeničce křesćenjo, kotřiž Was wo podpěru proša. Kotru rólu hraje při Wašim poradźowanju wěra?

Žanu.

Čehodla nic?
Nuza njeje na někajke wěrywuznaće wjazana. Pomhamy

wšěm. Naš nadawk njeje misionować, ale ludžom w nuzy pomhać. Wězo tole na nich skutkuje, hdyž wědža, zo pomoc ze stron cyrkwy dóstanu. Na druge wašnje pak spytamy my wězo kóždemu w křesćanskim zmysle pomhać.

Dwělowacym radzić móže kóždy. Na čim pak móžu dobru wot mjenje dobreje rady rozeznawać?

Tón, kotryž wo radu prosy, měł so prašeć: Buch słyšany? Buch widžany? Je so mi radźićel sprawnje zadžeržał?



Andreas Ošika

Foto: rl

Čujach so přiwzaty? Sym ja za njeho w srjedźišću stał a nic wón jako radźićel? Wšako njeje poradźowar takrjec dobry a tamny wbohi raws. Nawopak měło wo poradźowanje prošacemu pomhać, jemu pak ničo njenanzować. W karitatiwnym zmysle miłosćiwe radzić rěka, zo sy sam duchownje napjeljeny, zo by lubosć blišemu wopokazać móht.

(Prašał so R. Ledźbor)

► www.caritas-oberlausitz.de

Druhim wo dóstatej radže powědać

Njewotwisnje wot druhich zarjadow móže Donata Schwarzenböck jako jedna z wjacorych poradźowarkow we wobłuku projekta Budyseke tachantskeje wosady ludžom ze zbrašenjemi pomhać. „Jich přeća a požadosće steja pola nas w srjedźišću“, praji wona. Při tym skedzbnja na to, zo podpěruja tež staršich ze zbrašenymi džěćimi. Jim wšěm chcedža puće pokazać, kak móhli najlěpje w swóim połoženju jednać. Za wažne ma wona, zo tež ći, kotřiž su radu dóstali, druhim radža, sejju wuprosyć. Wjace pod www.posol.de //